

Rait bilong yu long minimam wok aua



Wok aua bilong yu em inap long yu o yu laik wok moa aua?

Gavman Australia i senisim ol lo long minimam aua bilong helpim ol wokmanmeri long PALM skim inap sotpela haptaim.

Yu gat rait long wok inap minimam aua

Sapos yu wanpela wokman o wokmeri long PALM skim inap sotpela haptaim (wok long Australia inap 9-pela mun o sotpela haptaim moa long en), employi bilong yu i mas givim 120 aua o moa olsem minimam aua bilong wok inap 4-pela wik.

Sapos ol i no givim dispela minimam aua inap 4-pela wik, employi bilong yu i mas givim pei bilong 120 aua.

Ol i mas bihainim ol dispela lo bilong minimam aua i go inap long Jun 30, 2025.

Mi mas mekim wanem?

- Maski yu kirap wok long PALM skim nau tasol o yu kirap wok pinis bipo yet, yu mas kisim nupela ofa olsem yu ken wok inap minimam aua. Sapos yu no kisim dispela ofa, plis toktok wantaim employi bilong yu.
- Taim yu kisim nupela ofa bilong dispela wok, askim employi bilong yu long eksplenim ol senis bilong minimam aua long yu, na askim em long bekim ol askim yu gat.
- Sapos yu wanpela wokman o wokmeri inap longpela haptaim (wok long Australia long wanpela inap 4-pela yia), yu mas kisim ful-taim aua olsem ol gaidlain bilong PALM skim employi i stori long en.

Mi mas mekim wanem sapos mi no kisim minimam wok aua em ol i makim?



Toktok long employi bilong yu.



Kontektim PALM skim sapot sevis – ringim 1800 51 51 31, Mande inap Fraide 8.30 am i go 6.30 pm AEST o emeil i go long palm@dewr.gov.au.



Kontektim CLO o wokman long embasi husat i lukautim ol samting bilong leiba. Visitim palm.scheme.gov.au/contact bilong kisim infomesen bilong kontektim ol.



Kontektim Fair Work Ombudsman. Ringim 13 13 94 o sevis bilong tanim tok long 13 14 50.



Painimaut moa infomesen na askim ol long helpim sapos yu nidim.

Yusim fon bilong yu long skenim QR kod na ritim fakisit long minimam wok aua.

palm.scheme.gov.au

